

DE PHILOSOPHIS
ANTE HIPPOCRATEM MEDICINAE
CVLTORIBVS

AD CELSI DE MEDIC. PRAEFAT.

SPECIMEN I.

AMPLISSIMI PHILOSOPHORVM ORDINIS
AVCTORITATE

A. D. II. IVN. MDCCCCLXXXI.

H. L. Q. C.

AD DISCEPTANDVM PROPONVNT

M. CAROLVS GOTTLOB KÜHN
MED. BACC.

ET

CHRISTIANVS GOTTHELF FRIDERICVS WEBEL.

MED. BACC.

LIPSIAE

EX OFFICINA SOMMERIA.

list. Delaune

7

DE PHILOSOPHIA
ANTE HIPPOCRATEM MEDICI
CULTORIBUS

AD CELESTI DE MEDIC. PRÆFATA

SPECIMEN I

AMPLISSIMO THEOPHILORVM ORDINE

AVTORITATE

A. D. IN LVII. CXXXIIII.

1699

AD DISCRETISSIMVM PROTOVANT

M. CAROLVS GOTTLIBVS

MED. BACC.

ET

CHRISTIANVS GOTTLIBVS

MED. BACC.

LIBRARI

PATRI OPTIMO

SACRVM.

PATRI OPTIMO

RECEIVED

DE
PHILOSOPHIS ANTE HIPPOCRATEM
MEDICINAE CVLTORIBVS.

PROOEMIVM.

Cum antiquissimorum temporum memoriam animo nostro repetimus eo consilio, vt medicinae inuestigemus primordia, videamusque, quomodo, et a quibus hominibus inuenta; et sensim sensimque exulta tandem eo peruenierit, vt in artis formam redigeretur: idem nobis accidit, quod omni fere antiquae historiae indagatori. Quae enim ad incunabula artis salutaris ducit via, nunc fabularum quasi nebulis densaque interdum caligine premitur ita, vt vel acerrima ingenii acies, veritatis luce erepta, in tenebris palpitare cogatur; nunc deperditis antiquissimorum medicorum libris, aliorumque de illorum vita cognitioneque medica scriptorum narrationibus deficientibus, tanto desidit hiatu, vt magni ambages sint prius conficiendi, quam in viam rectam redire possimus; nunc variis, iisque inter se inuicem repugnantibus variorum scriptorum testimoniis in tam diuersos diducitur tramites, vt dubii haereamus, quemnam sine aberrandi periculo ingredi debeamus. Praeter illa vero impedimenta, quae persequentis antiquissima medicinae fata studio obijciuntur; videtur et haud leue positum esse in modo, quo nata atque exulta est medicina. Neminem enim inter homines nostrae aetatis vere eruditos fore existimo, qui in ea adhuc versetur opinione, vt hominibus primis a Deo viam ac rationem fuisse monstratam credat, qua sanitatem conseruarent, morborumque frangerent vim; nec potius persuasum sibi habeat, primis illis temporibus, quibus firmissima adhuc corporum robora nondum mollitie



luxuriaque erant fracta atque corrupta, illum fuisse medicum, qui herbarum fructuumque, in victum cedentium, vires expertas, aliaque in morbis nunc feliciter, nunc minus prospere adhibita diligenter notabat, suoque tempore in vsus aut suos, aut aliorum expromebat. Hinc parentes cum natis communicasse videntur ea, quae per omnem vitam ipsi obseruauerant, aut ab aliis acceperant sanitati vel proficua, vel noxia. Ita vero augebantur sensim sensimque haec experimenta adeo, vt, cum non libris consignarentur, sed ore traderentur, vix vnus hominis memoria possent comprehendere. Quae tamen memoriae felicitas si cui naturae beneficio contigerat, is, fortuna consiliis annuente suis, ab iis, quibus sanitatem reddiderat, colebatur, a ciuibus plausu et admiratione condecorabatur, et a posteris cultu honorabatur diuino. Hinc Apollini et Aesculapio apud Graecos, hinc Isidi atque Serapidi apud Aegyptios, hinc aliis apud alias gentes Deorum medicorum honores decernebantur, arae incensae, thura posita, templa exstructa, ad quae, quotquot cum morbis conflictabantur, sanitatis recuperandae causa vndiquaque confluebant.

Haec, quae sola experientia nititur, erat salutaris professionis facies atque conditio, vsque dum maiore studio agitari, sapientiaeque pars haberi coepit. Scilicet reperta aduersus varios morbos remedia, quorum efficacia saepe felicissimo euentu erat probata, interdum spem plane destituebant eius, qui illis utebatur, interdum efficiebant omnino contraria, morbumque, cuius leuandi et tollendi causa sumebantur, augere, mortemque, quam morari longiusque remouere debebant, accelerare videbantur. Qui quidem diuersi, nec opinati effectus non poterant non ferire animos eorum, qui in vires corporum inquirebant naturalium, quamque vim in corpus humanum exfererent, indagabant, eosque excitare ad causas istius discrepantiae rimandas. Philosophi igitur horum temporum, h. e. homines, qui tempus studium-

studiumque suum naturae contemplationi quasi deuouebant, quique, contempta difficultum quidem illarum, inutilium tamen disputationum gloria, earum tantum rerum sibi comparabant cognitionem, vnde magna in ciues patriamque vniuersam felicitas dimanare poterat, hi, igitur, in structura corporis humani consideranda, in sapientia, qua sapientissimus naturae auctor singulas illius partes formauerat atque composuerat, declaranda, in causis inueniendis, quibus illae corporis partes, quominus sua quaeque obirent munera, impedirentur, in remediis denique indagandis, quibus illa impedimenta tolli, integritasque corpori restitui posset sua, amplum eumque vberem reperiebant campum, in quo ipsorum inuestigandi studium desudare commode poterat, incultum haecenus a medicinae professoribus relictum. Hanc vero notitiam augebant magis magisque itineribus etiam, ad remotissimas interdum gentes susceptis, quae aliqua doctrinae fama apud exteros illustres erant: indeque reduces in patriam non poterant non eos cognitione varia eaque vtilissima multum superare, qui sub Deorum medicorum, inprimisque Aesculapii, auspiciis, quorum se cultui dicauerant, morbis remedia tantum, a maioribus per manus quasi tradita, opponebant.

Hinc factum est, vt, qui de primis, quibus, vti omnium omnino, ita et corporis humani partes conflatæ sunt, elementis, de structura nostri corporis, de via ac ratione, muneribus fungendi suis, quam singulis eiusdem partibus naturae sapientia praescripsit, de impedimentis denique, quae illum naturae ordinem turbare possent, tanta cum animi fiducia disputabant, vt in intimos naturae recessus penetrasse viderentur, etiam omnium optimam remediorum notitiam habere existimarentur, quibus illae, in corpore humano excitatae, turbæ iterum componi possent. Quae quidem causa, ob quam philosophi medicinae excolendae studium operamque dicaverint suam, probabilior videtur ea, quam CELSVS ¹⁾ inge-

nio-

niosam magis, quam veram, protulit. *Primo*, inquit, *medendi scientia sapientiae pars habebatur, ut et morborum curatio et naturae contemplatio sub iisdem auctoribus nata sit: scilicet iis hanc maxime requirerentibus*, qui corporum suorum robora inquieta cogitatione, nocturnaue vigilia minuerant. *Ideoque multos e sapientiae professoribus peritos eius fuisse accepimus: clarissimos vero ex iis PYTHAGORAM, et EMPEDOCLEM, et DEMOCRITVM.*

Et horum quidem trium virorum, cum non nullis aliis, sapientiae laude per omnem antiquitatem claris, in artem nostram merita iam nunc, cum aliquod argumentum tractandum, publiceque defendendum esset, accuratius exponere constitui propterea, quod partim illud argumentum, coniunctum cum illo, quod amplexus sum, medicinae studio, nec alienum a loco videbatur, de quo disputandum est: partim quod ab omnibus, qui de satis salutaris professionis scripsere, non ea, qua dignum est, diligentia elaboratum inveniri²⁾. Quo accedebat et illud, quod hoc veluti specimine, praerepto futuro de *medicinae inter Graecos satis operi*, virorum eruditorum iudicia experiri cupiebam.

PYTHAGORAS SAMIVS.

De parentibus, patria, aetatis termino³⁾, variis itineribus, aliisque rebus, quae ad vitam priuatam huius philosophi

2) Consulat Clerici atque Schulzii, quibus inter scriptores historiae medicae fere principatus tribuitur, medicinae historias, Hallerique bibliothecas, quae, pace tanti viri dixerim! non ea, quam tuto vbiq; sequi poteras, diligentia conscriptae sunt: et videbit aequus iudex, me haud temere illorum scriptorum in hoc argumento negligentiam damnare. Quam equidem an effugerim, iudicent alii. Facilius enim res reprehendi, quam emendari potest.

3) Videatur, si lubet maximorum hac de re virorum dissidia cognoscere, DODWELLVS de aetate Pythagorae philosophi Lond. 1704. A chronological Account etc. By M. Lloyd. Lond. 1699. S. R. BENTLEII diff. de Phalaridis, Themistoclis etc. epistolis etc. omnia ex anglico in latin. sermon. conuertit Io. Dan. a Lennep. Groning. 1777. 4. 10. HARDVINI chronol. vet. restam. Quorum argumenta, quibus quisque sententiam firmare studuit suam, exhibuit LE CLERC. bibliorb. chois. Tom. X. p.

sophi pertinent, nec aliquid ad eius cognitionem medicam declarandam faciunt, praestat nihil, quam aliquid dicere. Sunt enim haec pleraque omnia et antiquiorum scriptorum testimoniis, et opinionibus recentiorum ita perturbata, ut, si ea accurate excutere vellem, immenso me temere immitterem dubiarum et dissensionis inter viros doctos plenissimarum quaestionum velut gurgiti. Quam ob rem ea tantum e veterum scriptorum monimentis decerpam, quae Pythagoram ostendant cum sapientiae professione et medicinae studium coniunxisse, dignumque adeo esse, qui inter medicos philosophos, quos ἰατροφίλοι Hippocrates pronuntiabat, locum occupet suum. Nolo haec probaturus confugere ad itinera, a Samio philosopho ad Aegyptios, Persas, Indosque*) suscepta. Cum enim doctrinae fama, qua harum gentium sapientes quondam celebrabantur, ab hominibus recentioris aetatis, qui in illam tantopere laudatam sapientiam paulo curiosius inquisuere, admodum sit imminuta: infirmo utique fundamento superstruerem ea, quae collata *Pythagorae* in medicinam merita declarare possunt. Utar igitur potius luculentis *Celsi* 5), *Diogenis Laërtii* 6), *Iamblichi* 7), *Porphirii* 8) aliorumque testimoniis, quibus Pythagoram constat in corporis humani structuram inquisivisse, sibi quae comparasse cognitionis-

79 — 125. His denique addantur duae dissertationes, NOSII (de la Nauze) altera, altera FRERETI, in *Mém. de Littérat. tirés des Régist. de l'acad. roy. des inscript. to. XIV. p. 375. ff.* et 472. ff. in germanicam translatae linguam a Mich. Hismanno V. Cl. Vid. *Magazin für die Philosoph. und ihre Gesch. Th. II. p. 75 — 132.*

4) Conf. Ilocrat. laud. Busfrid. p. m. 448. Cicero de finib. 5. 27. Iustin. XX. 4. Iamblich. vit. Pythag. c. 4. — De itinere Pythagorae ad Persarum

Magos vid. praeter Ciceron. et Iustin. ll. cc. Diogen. Laërt. 8. 3. p. 489. ed. Meibom. alique. — Indiae denique Brachmanas ab eodem fuisse conventos, narrat Apulei. florid. p. 351. ed. Elmenb. Clemens Alex. Strom. V. p. 560. etc.

5) l. c.

6) libr. VIII. c. 1. n. 12. ἐν ἡμέλει-
σε δὲ ἀδὲ ἰατροφίλης Πυθαγόρας.

7) de vit. Pythag. c. 29. p. 127. ed. Commel. 1598.

8) de vit. Pythag. 33.

gnitionem remediorum, quibus firma et integra adhuc sanitas conseruari, fractaeque et vitata reparari posset.

Cum illae medicinae partes, quae victu et manu medentur, haud dubie sint antiquissimae: ab his ordiar, ostendamque, quatenam in Pythagora fuerit earum intelligentia. Et illa vero medicina, quae victu curat, inprimis videtur ab illo esse culta. Plinius enim multa nobis exempla reliquit literis consignata, quibus illum uti in vires herbarum, ita in vniuersam earum naturam curiosus inquisuisse adparet: e quibus liceat quaedam speciminis loco quasi delibare. Sic brassicam laudauit 9): anisum aduersus scorpiones, e vino haustum, inter pauca medicamenta commendauit 10): idemque in manu habentibus efficacem medicinam aduersus comitiale vitium praebere tradidit 11): sinapi, quoniam non aliud magis in nares et cerebrum penetret, principatum detulit ex his, quorum sublimè feratur vis 12): atriplex, tanquam faceret hydropicos, morbosque regios et pallorem, concoquereturque difficillime, ac ne in hortis quidem iuxta id quidquam crescere, nisi languidum, culpauit. 13). Sic rutae syluestris, quam oculis noxiam esse existimabat, genera disereuit, marem minoribus, herbaceique coloris, feminam laetioribus foliis et colore. 14). Sic asphodeli caulem cubitalem, et saepe duorum cubitorum, foliis porri syluestris, *anthericon*; radicem vero i. e. bulbum *asphodelon* vocare, principem Pythagoram securi, Theophrastus, et fere Graeci. 15) Praeter haec vero sunt et haud pauca, quae magicas herbarum vires, a Pythagora et Democrito primis Romano in orbe celebratas, Magos consecratis 16), illi curae cordique fuisse declarent: scillam v. c. in limine ianuæ suspensam malorum medicamentorum introitum pellere 17):

aqui-

9) *Hist. natur.* XX. c. 9. p. 199. ed. Harduin.

10) *ibid.* c. 17. p. 216.

11) *ibidem.*

12) *l. c.* c. 22. p. 223.

13) *l. l.* c. 26. p. 221.

14) *ibid.* c. 13. p. 208.

15) *libr.* XXI. c. 17. p. 252.

16) *libr.* XXIV. c. 17. p. 351.

17) *libr.* XX. c. 9. p. 203.

aquifoliae flore *), vti et coracesia et callicia, quarum mentionem apud alios non reperit, nec apud Pythagoram alia de his, Plinius ¹⁸⁾, aquam glaciari: aproxin herbam esse, cuius radix e longinquo concipiat ignes ¹⁹⁾ eademque florente, si qui morbi humano corpori acciderint, quamvis sanatos, admonitionem eorum sentire, quoties eam florere contigerit. Similem conditionem habere et frumentum, et cicutam, et violam ²⁰⁾.

Idem virtutum, quae in herbis latent, scrutinium, diaetaeque culturam professa est illa, quae a Pythagora nomen accepit, philosophorum familia, quae, commota haud dubie praeceptoris auctoritate, praecipuam posuit diligentiam in victus ratione ordinanda, in motus quietisque finibus regundis, in animi commotionibus temperandis, aliisque eiusmodi consiliis dandis, quibus sanitati firmitas conciliari, morbisque quasi nutrimenta eripi possent ²¹⁾. Nec dissimilibus fortasse rationibus inductus Pythagoras fabas ²²⁾,

B 2

piscis

*) *libr. XXIV. c. 13. p. 345.*

18) *l. l. c. 17. p. 351.*

19) *l. c.*

20) *ibidem.*

21) *Iamblich. l. c. τῆς δὲ ἰατρικῆς μάλιστ' αὐτὴν ἀποδέχεσθαι τὸ διαιτητικὸν εἶδος, καὶ εἶναι ἀκριβεστάτες ἐν τῷ τῷ, καὶ περὶ αὐτῶν πρῶτον μὲν κατὰ μανθάνειν σημεῖα συμμετρίας, πόων τε καὶ σιτῶν καὶ ἀναπαύσεως. ἔπειτα περὶ αὐτῆς τῆς κατασκευῆς τῶν προσφερομένων (ita leg.) σχεδὸν πρῶτας ἐπιχειρήσαι τε καὶ πραγματεύεσθαι, καὶ διορίζειν ἰ. Πυθαγορείας Φασί. Diogen. Laërt. VIII. 9. p. m. 494. πλησιονὴν πᾶσαν ἀποδοκιμάζει, λέγων μὴ παραβαίνειν μήτε τῶν ΠΩΝΩΝ, μήτε τῶν σιτῶν μηδὲνα τὴν συμμετρίαν. In quo loco e Iamblich. l. c. patet, non opus esse emendatione H. Calauboni ΠΟΤΩΝ*

legi iubentis, quamvis defensa et ab Aeg. Menagio, locoque simili confirmata, (cf. *aur. carm. v. 32. ff.*)

ἃ δ' ὑγιεινῆς τῆς περὶ σώμ. ἀμελείαν ἔχεν χρεῖ.

*ἄλλὰ ΠΟΤΟΤ' τε μέτρον, καὶ σί-
τα, καὶ γυμνασίων τε
ποιεῖσθαι.*

22) *Diog. Laërt. VIII. 34. p. m. 515. laudat Aristotelem, περὶ ἀνάμων, qui hoc Pythagorae praeceptum de abstinentendo a fabarum esu commemorauit: quicum consentit Cicero de diuin. I. 30. Lucian. in vitar. auction. 10. I. p. 545. ed. Reitz. Pythagoram vero fabas discipulis interdixisse, quod flatulentiam efficerent, hincque meditationi obessent, cum Cicerone l. c. Diog. Laërt. VIII. 22. p. 502. et Iamblich. de vit. Pythag. c. 24. p. m. 107 adfirmant. Cf. praeter illos Balib. Huidekoperus*



pisces ²³⁾, idque genus alia victui discipulorum eximebat: quamquam sunt, et fuerunt iam inter antiquiores scriptores nonnulli, qui malint, philosophum, cum ista quasi proscriberet, nescio quid religionis, aut superstitionis potius spectasse. Equidem vero etsi non sum is, qui, quicquid a magnis, quos antiqua protulit aetas, viris excogitatum defensumque est, velut e tripode dictum, sapientiaeque plenissimum admirer: scio enim, hanc semper humanae naturae fuisse et esse imbecillitatem, ut et summa ingenia aliquid ex aetatis, qua vixerint, et hominum, quibuscum egerint, labē et opinionibus traherent: tamen, si forte in sententiam incido obscuram, aut plane ineptam, quae cuidam inter veteres sapienti tribuitur, malo vel ignorantiam profiteri meam, vel, si licet, ita explicare, ut cum temporum ratione, hominisque conveniat doctrina, aliis, iisque luculentioribus testimoniis probata, quam vel sensum inferre ingeniosum magis, quam verum, vel, relictis omnibus, quas commoda licuerat explicatione tollere, ineptiis, ignorantiam ridere eorum, qui quondam sapientes audiebant. Quam iudicii lenitatem iure postulare posse videntur homines, quorum de sermonibus librisque quaedam tantummodo fragmenta, veluti exiguae nauigii, tempestatis furore fracti atque discussi, tabulae, hinc inde dispersa nobis restant, e quibus interdum vix, et ne vix quidem cognosci potest, quid sibi voluerit auctor, et quomodo toti fuerint orationi adaptata. Audaciae igitur, ne quid gravius dicam, accusandi videntur, qui illa fragmenta, quamvis manifesta habeant corruptae orationis signa quodammodo impressa, sintque ab hominibus servata, quorum fides debeat esse sublesta, vndiquaque tamen collecta, seu

koperus de sensu huius Pythagorici symboli: *καταμὲν ἀπὲρ*, in *Miscell. Belgic. vol. VI. to. II. p. 417. — 451.* Hunc enim virum latere ibi sub nota R. R. didici a Dorvillio ad *Chariton. p. 609.*

²³⁾ Quamquam nec ignoro, fuisse inter veteres scriptores, qui pisces a Pythagora scholae suae adseclis fuisse concessos traderent. Iamblich. *l. c. c. 21.* Diogen. *VIII. 34.* etc.

seu potius corrasa in vnum pro sua fingendi libidine cogunt, sicque *humano*, quod ait Horatius, *capiti ceruicem iungunt equinam*. Hi profecto non antiquissimorum hominum sententias exponunt, sed sua ipsorum nobis offerunt somnia, nec idonei sedent iudices, cum merita veterum in literas artesque liberaliores sunt diiudicanda. —

Quam igitur parsimoniam in victu, temperantiam in animi commotionibus, corporis tuendi causa, obseruandam discipulis suo ipsius exemplo praecipiebat Pythagoras, eandem continentiam in rebus quoque venereis secundae valetudini conseruandae necessariam esse adfirmabat. Amplexum enim omnem, quamuis rarum, sanitati tamen pestiferum, illique tantum concedendum esse iudicabat, qui infirmior, quam pro natura sua, esse velit: si tamen quis niteretur in veritum, cuperetque negata, huic consulebat, vt hieme, non aestate, omnium optime autem vere atque autumnus Veneri Amorique litaret ²⁴).

Atque haec fere sunt, quae in Pythagora aliquod eius medicinae, quae victus rationem constituit, studium, aliquam eius cognitionem fuisse indicant. Illius vero, quae manu curat, cum non habeam vllum a Pythagora factae specimen, statim ad ea deueniam, quae de corporis humani partibus, structura, origine, et de variis harum partium muneribus, eorumque peragendorum ratione commentatus est. Incipiam a primo futuri hominis veluti stamine, semine humano, et quaenam Pythagorae hoc de humore, et de ratione, qua ex illo homo oriatur certo quodam ac finito tempore, sententia fuerit, indicabo.

Putabat igitur Pythagoras, *semen esse stillam cerebri, quae contineat calidum vaporem, et ad vuluam delata glutinosam*
B 3 *quandam*

24) Diogen. Laërt. I. c. 9. p. m. 495. quicum egregie conuenit Diodor. Sicul. (excerpt. de virt. et vit. p. 555. ed. Wesseling. to. II.) et Stobaeus serm.

XVII. p. m. 156. ed. Tigur. 1559. Πυθαγόρας παρηγγύα μὴ πικνὰ τὸν ἀνδρῶπον ἀπὸ ἀνδρῶπι* μὴ δὲν συνελθῶς ἀφροδισιάξεν ἀνιπτόμενος.

quandam pituitam, aquam et sanguinem largiatur²⁵). Quam quidem opinionem, obscuram illam, ut mihi videtur, liceat experiri, an possimus explicatione reddere clariorem. Ac primum quidem si, diuisa sententia, inquirimus in id, quid voluerit philosophus, cum semen esse cerebri quasi stillam adfereret, duplex sese nobis offert explicandi ratio. Poterat enim Pythagoras vel propterea semen adpellare cerebri stillam, quod illud, in cerebro secretum et praeparatum, ad naturam marium aequae ac femellarum²⁶) destillare, opinabatur: quae sententia, non aliena a rudiori adhuc istis temporibus rerum cognitione, etiam a discipulo Alcmaeone fuit defensa²⁷): vel quod ad feminis praeparationem optimum requiri sanguinem²⁸) existimabat: quod Plutarchus, vel quisquis tandem auctor illius libri, quem de iis, quae philosophis placuerunt, conscriptum in eius operibus legimus, disertis verbis Pythagorae tribuit. Vtra interpretatio sit vero propior, ego non definiam, qui, quam incerto et titubante pede in hisce antiquissimorum temporum monumentis expli-

25) Diogen. Laërt. I. c. 28.

26) Credebat enim Pythagoras, et femellas secernere, et, dum morigerarentur, eiaculari semen. Cf. Plutarch. de plac. philos. V. c. 5. Vide infra eandem sententiam ab Alcmaeone, Empedocle, et Democrito defensam.

27) Plutarch. I. l. c. 4. Ἀλκμαίων ἐγκεφάλῳ μέρος sc. semen esse putabat. Videtur ergo hanc a praeceptore sumxisse sententiam. Nolo enim illud adfirmare, fuisse illam toti Pythagoricae scholae communem: quamquam et Platonem noui, quem sunt, qui Pythagoraeorum scripta compilasse arguant, similem plane de femine fouisse sententiam. Plutarch. I. c. Praeter hosce scriptores etiam Claudio Ptolemaeo περὶ κριτικῆς καὶ ἡγεμονικῆς, a Menagio ad Laërt. p.

365. laudato, eandem opinionem amplecti placuit.

28) Plutarch. I. c. Πυθαγόρας ἀφροδὺν (vel ob particularium semen constituentium subtilitatem, atque adeo leuitatem, vel ob albidum colorem,) τῷ χρηστοτάτῃ αἵματος τὸ σπέρμα περιττωμα τῆς τροφῆς, ὥσπερ τὸ αἷμα καὶ μὲλον. Quid vero sit περιττωμα τῆς τροφῆς i. e. cibi recreationum, et quomodo sanguis, medulla atque semen sic vocari queat, liceat Galeni (de sanitat. tuend. I. c. 3. p. 42. to. VI. ed. Charter.) verbis docere: καὶν τὰτῶ τὸ μὴ κατεργασθὲν ἀκριβῶς, μὴδ' ἐξομοιωθὲν εἰς προσφύεται τῷ σώματι, καὶ ὡς περιττὸν ἀλλὰ κατὰ τὰς ἐνδον εὐρυχωρίας, εἶθεν περ αὐτῷ καὶ τῆνομα πρὸς τῶν ἐμπροσθεν ἐρῶν: εἰσὶν ΠΕΡΙΤΤΩΜΑ.

explicandis sit progrediendum, noverim. Iam vero illud quoque attingam, quod semen ad vulvam delatum effundere quasi *pituitam* (ἰχῶρα) *aquam* (ὕγρον) et *sanguinem* (αἷμα) visum est Pythagorae. Nolo ex hisce Laertii verbis illud cogere, atque philosopho tribuere, tria haec, ἰχῶρα, ὕγρον, αἷμα, esse principia feminis: nolo cum hac eius sententia componere auctorem libri, περὶ γονῆς, qui ad Hippocratem refertur, cui semen ab optimis particulis omnis in corpore animali contenti fluidi constitui videbatur 29). Id potius agendum mihi esse sentio, ut ostendam, quo iure τὸν ἰχῶρα verterim *pituitam*. Quam quidem notionem non vanam atque confictam esse, vno Aetii loco sufficiat probare. Adpellat vero is glutinosam illam pituitam, (recentiores *gelatinam* vocant,) quae e cochleis, acu vulneratis, profluere solet, ἰχῶρα hoc quidem in loco: τρίβε ἐπιβαλὼν κοχλίων χερσαίων μεγάλων τὸν ΙΧΩΡΑ. δεῖ δὲ τὸς διακεντεῖν γραφίῳ ζῶντας, καὶ τὸ ἀπορρέον μυζῶδες ἐπιβάλλειν τῷ Φαρμάκῳ. Idem igitur ἰχώρ et μυζῶδες 30).

Hanc et feminis materiam, quam et feminae coeuntes proliciant 31), continere aliud quoddam principium, quod forma et corpore careat, (ἀσώματον Graeci vocant,) et in quo posita sit praecipua feminis vis 32); ab illa formari carnes, membranas, nervos, ossa, capillos, totumque corpus animale: ab hoc vero animam sensumque provenire 33). Delatum ad naturam muliebrem semen coire in massam quandam,

29) 10. III. p. 180. ed. Charter. ἡ δὲ γονὴ τῷ ἀνδρὶ ἐρχεται ἀπὸ παντὸς τῷ ὕγρῳ τῷ ἐν τῷ σώματι ἑόντος, τὸ ἰσχυρότατον ἀποκριθέν. Fluidas vero corporis nostri partes constituit has, sanguinem, aquam, bilem et pituitam. In vna igitur bile differt a Pythagora incertus, sub Hippocratis nomine latens, auctor.

30) retrabibl. libr. VIII. p. 150. ed. Aldin.

31) Plutarch. l. c. V. c. 5.

32) Plutarch. l. l. c. 4. Πυθαγόρας, Πλάτων, Αριστοτέλης ἀσώματον μὲν εἶναι τὴν δύναμιν τῷ σπέρματος ὥσπερ γὰρ τὸν κινῆντα, σωματικὴν δὲ τὴν ὕλην προχομένην. Diog. Laërt. l. c. 28. τὴν σωματικὴν ὕλην vocat σαγόνα ἐγκεφαλῆς, et τὴν δύναμιν ἀσώματον exprimit per θερμὸν αἷμα.

33) Diogen. Laërt. l. c.

dam, rudem adhuc et indigestam, quae intra quadraginta dierum spatium in corporis humani formam effingatur, et septem, aut nouem, aut decem ad summum mensibus secundum harmoniae leges in perfectum atque omnibus numeris absolutum foetum efformata excludatur 34). Habere infantem, recens in lucem editum, omnes quidem ad vitam necessarias facultates, earumque connubium ali et sustentari harmoniae legibus: easdem vero facultates certis demum et finitis temporibus sensim sensimque quasi euolui ac excoli. Atque hunc quidem sensum, qui subobscuris hisce Laërtii 35) verbis inesse mihi videtur, ἔχειν ἐν αὐτῷ (sc. τὸ βρέφος, quod proxime praecedebat, non σπέρμα, quod Mer. Casaubonus 36) voluit,) πάντας τὰς τῆς ζωῆς λόγους, ὡς εἰρομένῳ συνεχέσθαι κατὰ τὰς τῆς ἀρμονίας λόγους, ἐκάστων ἐν τεταγμένοις καιροῖς ἐπιγιγνομένων, liceat exemplis quibusdam magis illustrare. Scilicet cognouerat, vt hoc vtar, Pythagoras, hominem, nisi quodam in sensus membraque sui corporis fruatur imperio, non posse sibi victum facile comparare suum: obseruauerat, infantem, nisi ad finitum aetatis terminum peruenisset, impotentem esse corporis sui dominum; experientia edoctus nouerat, animi facultates, velut ignis femina in silice, absconditas latere, et, nisi diligenti elician-
tur nutrianturque cura, torpere: viderat denique quasdam

34) Cum his, quae e Diogene l. c. hausta sunt, conferenda sunt, quae Cenforin. *de die natal. c. 9. et 11.* de hac Pythagorae sententia scripsit. Hic enim adserit, Pythagorae duo partus genera placuisse, septem mensium alterum, alterum decem: vtrumque partum aliis dierum numeris conformari: illos numeros, qui in vnoquoque partu aliquid mutationis adferant, dum aut semen in sanguinem, aut sanguis in carnem, aut caro in hominis figuram conuertatur, inter se collatos rationem habere eam, quam voces ha-

beant, quae in musica σύμφωνοι vocentur, etc. — Quae vnde hauserit Cenforinus, et an vere sint e Pythagorae mente disputata, me nescire lubens profiteor.

35) l. c. sect. 29. p. m. 511.

36) Cf. ille ad Diogenem l. c. vbi cum hisce Pythagorae verbis Senecam confert, ita de semine disputantem: *vt in semine omnis futuri hominis ratio est comprehensa, et legem barbae et annorum nondum natus infans habet: totius enim corporis in paruo occultoque lineamenta sunt: sic etc.*

corporis humani. partes v. c. dentes etc. aliquantulum temporis demum post partum propullulare quasi, atque in conspectum prodire, sine quibus manca atque imperfecta maneret corporis nostri machina. Haec igitur intellexisse videtur per λόγος ζωῆς, quorum veluti principia et semina, in foetu etiam sparsa, sensim sensimque in infante adolēcente progerminarent, et tempore et cultu ad maturitatem perducerentur. Neque tamen sum aut tam pertinax huius de intelligendo Diogenis loco factae coniecturae propugnator, quin meliora edoctus hanc cum Augusti Aiace in spongiam incidere iubeam, aut tam cupidus eorum, quae ab antiquissimis Graeciae Latiique philosophis scripta et disputata sunt, admirator, ut illius, a Pythagora prolatae opinionis patrocinium in me suscipere velim. Etenim id solum mihi agendum esse videtur, ut, quatenus fuerit Pythagorae mens, quidue spectauerit hac vel illa sententia, recte intelligatur.

Neque vero philosophum fugiebat, viam quoque ac rationem, qua res externae in sensus animamque agent, dignam esse, quam indagandi studio sapiens complectatur suo. Itaque diligentius sensuum naturam considerata, omnium optime sibi videbatur eam explicare posse posito quodam calidae indolis vapore, cuius ope vel visu, vel auditu, vel olfactu, vel gustatu, vel tactu denique res omnes extra animam positaе, atque in sensus cadentes, perciperentur. Inprimis vero cerni vaporis illius vim in oculis, atque efficere, ut corpora, visu cognoscenda, etiam si aëre et aqua sint veluti septa, cerni possint. Si enim vaporis illius indoles frigida foret, nos visus sensu destitutum iri, cum, vapore illo cum aëre aquaque eiusdem naturae, frigidae scilicet, permixto, nihil sit, quod rerum obiectarum imagines ad oculos deferre queat 37).

Se-

37) Diog. Laërt. VIII. 29. p. m. 512. cuius loci ea tantum verba adducam, quae a Tiedemann (Griechenlands er-

ste Philosophen p. 519.) impugnata atque emendata sunt: τὴν τε αἴσθησιν κοινῶς, καὶ κατ' εἶδος τὴν ὁρασιν, αἰμὼν



Sed illo tamen, quamvis multum adiuuetur, non absoluti omnem sentiendi facultatem: reperiri enim praeter illum in vnoquoque quoddam illorum principiorum, e quibus omnia, quae in oculos sensusque incurrunt, facta atque conflata sint; ad visum quidem aetherem, ad gustum aquam, ad auditum aërem, ad olfactum ignem, ad tactum denique terram conferre quam plurimum ³⁸).

Nescio, an opportunior se offerat occasio, de anima e Pythagorae sententia exponendi. Videtur ille quidem locus paulo alienior esse a nostra disputatione, qua in medicam tantum Pythagorae scientiam inquirere constituimus. Dabit tamen nobis, opinor, huius rei veniam lectorum humanitas, cum illi sententiae, seu opinioni potius, quaedam quasi adpersa

ἀπὸν τινα εἶναι ἄνθρωπον θεμελίον, καὶ διὰ τὸτο λέγεται δι' αἰθέρος ὄρεον, καὶ δι' ὕδατος ἀντερείδου γὰρ τὸ θεμελίον ἀπὸ τῆ ψυχῆς. ἐπεὶ τοὶ εἰ ψυχρὸς ἦν ὁ ἐν τοῖς ὀμμοῖσιν ἄνθρωπος, διεγίγναι αὐν πρὸς τὸν Ὀμοῖον αἶρα. Ultima verba ita a Virgilio clarissimo vertuntur: *calidum a frigido reprimatur: si igitur vapor, in oculis contentus, frigidus esset, separaretur se ab aëre contrario h. e. calido*. Legit enim ἀνόμοιον. Ut fatear, quod sentio, alia mihi de hoc Laërtii loco mens est, quam lubet breuibus explicare, audireque virorum doctiorum sententias. Diogen. l. c. 27. 28. etc. vocat aërem ψυχρὸν: nec hoc cum Tiedemannio l. c. p. 515. propterea in ὕγρον mutandum est, quod Timaeus ignem statuit siccae calidaeque, aërem calidae et humidae, aquam humidae, et frigidae naturae, terram denique frigidae et siccae esse. Poterat enim haec discipuli sententia esse, nec eadem praecceptorum debebat tribui. Deinde, fac, scribat ἄνόμοιον e viri clarissimi sententia: nec sic omnis sub-

lata est loci difficultas. Si enim ita tantum videre res obiectas possumus, ut aër sit vna cum illo vapore, cuius ope uti omnis omnino sensus, ita et visus absoluitur, calidae naturae: qui per aquam videre poterimus, quae, ut antea e Timaeo narratum est, frigida est. Id ipsum sentiebat pro suo ingenii acumine cl. Tiedemannus l. c. p. 515. atque elabendi rimam querebat in eo, ut concederet quidem frigidam aquae indolem, eam tamen radio ignis aetheri penetrari, (Diog. Laërt. VIII. 27.) sicque idoneam reddi statueret, per quam res visu cognoscendas videre possumus. Quid multa? Mihi videtur Laërtii locus ita legendus: ἀντερείδου — ἀπὸ τῆ ψυχῆς, ἐπεὶ τοὶ γὰρ — ἄνθρωπος εἰ διεγίγναι αὐν — ὁμοῖον αἶρα, i. e. *opugnari enim calidum a frigido: alioquin, si frigidus esset in oculis contentus vapor, non disreparet ab aëre simili, s. commiseret se cum aëre similis naturae h. e. frigidae*.

adsperſa ſint, quae ad corporis humani ſtructuram pertinent atque oeconomiam. Anima igitur Pythagorae videbatur compoſita eſſe, et conſtare ex aethere ſam calido, quam frigido, atque adeo, cum per iſtum intelligeret ignem, purum illum, aethereumque, qui omnia peruadendo omnibus vitam motumque tribuat, verbo Deum; per hunc autem aërem; partim diuinæ eſſe naturae, partim e materia conflata. Illam animæ partem eſſe immortalē, uti aetherem, e quo ſit deſumta, hanc vero perire: illam ratione praeditam, corporisque eſſe veluti reginam, hanc, et cupiditatum (*Ορέων*), et adfectuum (*Συμῶν*) matrem, illius imperio ſubiectam eſſe: illam per ſe ſubſiſtere, hanc indigere nutrimento, idque e ſanguine ſumere: illam, utpote ſimplicem, formā carere omni, hanc, compoſitam et extenſam, formam imitari corporis, ſicque ab hoc morte ſolutam in aëre vagari. Totam vero, tam illam, quae ratione, quam quae cupiditatibus adfectibusque conſtet, animam ita in corpore diſpoſitam, ut adfectus occupent cor, cupiditates vero cum ratione in cerebro quaſi regnent: contineri denique omnes illas tres partes venarum, arteriarum, neruorumque vinculo ³⁹).

Memini me ſupra e variorum ſcriptorum locis oſtendere, Pythagoram Aegyptum diſcendi cauſa adiſſe, ibique cum ſacerdotibus, penes quos vtiliſſimarum maximeque mirabilium rerum cognitio recondita eſſe exiſtimabatur, congreſſum, et, ut arcanam ipſorum cognosceret ſcientiam, multa perpeſſum fuiſſe. Ibi duo et viginti annos commoratus, Magos Perſarum adiſſe fertur, indeque redux in Graeciam, ciuitate, in qua fortunarum ſedem figere poſſet, quaſita, tandem Crotone conſedit, ſcholamque aperuit, multis magnorum virorum nominibus nobilitatam. Iam igitur apparere puto, vnde Pythagoras ſua, niſi omnia, plurima tamen, hauſerit, et vnde explicandarum ſententiarum, quae

C 2

huius

39) Sunt haec deſumta e Diogene *de placit. philoſ. IV. cc. 4. 5.* et Cicero-
Laërt. *l. c. 30. 31.* coll. cum Plutarcho. *ron. quaest. Tuſc. l. 17.*

huius philosophi scholae propriae erant, subsidia sint petenda. Quamquam vero multa deprehendimus, ab illo ex Aegyptiorum sacerdotum disciplina inter suae scholae sententias fuisse adoptata; duplicem v. c. illam docendi rationem, communem alteram, quae ad omnes ipsius pertinebat discipulos, alteram vero arcanam, cui paucis tantum iisque probatis interesse amicorum contingebat: religiones varias, superstitionesque expiationes: abstinentiae a variis cibis praecepta, idque genus alia: tamen adeo non in verba praeceptorum iurabat, ut potius ea, quae aliter se habere reppererat; libere corrigeret, suamque mentem discipulis exponeret. Liceat mihi, id probaturo, vno tantum exemplo defungi. Quem admodum communis erat omnis Orientis populis opinio, ut omnia omnino infecta e putrescentibus generarentur cadaueribus: ita Aegyptii inprimis gloriabantur de illa, reparandi apum stirpem e vitulo bienni, plagis perempto, arte ⁴⁰). Eandem generandi virtutem tribuebant limo, quem effusus per agros reliquerat Nilus ⁴¹). Ex illo enim, solis aestu siccato, cum animaduernerent Nilicolae prouenire ingentem murium

40) Conf. Bochart. *hieroz. libr. IV. c. 10. p. m. 507. ff. Virgil. georg. IV. 281. ff. ad q. l. cf. vir illustris, Heynius, qui laudauit de hac opinione communi interpretes Varron. de re rust. II. 5. 5. p. 271. ed. Gesn. et III. 16. 4. p. 364. vbi inprimis legi meretur erudita Gesneri nota.*

41) Diodor. Sicul. *bibl. I. c. 7. p. II. ed. Weseling.* τὰ δὲ ἐξ ἀρχῆς ζωγενεῖν τὴν γῆν, εἰ καὶ παραδοξὸν εἶναι τισὶ φανέται τὴν τότε ἐνέργειαν, Φασὶ καὶ τὰ μέγας νῦν γινόμενα μαρτυρεῖν αὐτοῖς. κατὰ γὰρ τὴν Θηβαΐδα τῆς Αἰγύπτου, καθ' ἧς αὖ κατὰ πλεονασμὸν τὴν ἀνάβασιν ὁ Νεῖλος — πλῆθος μυῶν ἐκ γῆς ἀναστράτον γεννάσθαι etc. Qui locus cum non satis cohaereat cum antece-

dentibus, in marginem a Weselingio proscriptus est: iuste, an iniuste, docebit, M. Chr. Dan. Beckius, Vir haud leui graecae linguae cognitione, et criticae artis facultate imbutus, cuius nouam Diodori editionem mecum non poterit non auide expectare quilibet graecarum literarum amans. Vid. et Mela *libr. I. c. 9.* Plinius *hist. nat. IX. c. 58.* Macrob. *saturn. VII. 16.* Deinde (sc. postquam natura primum singula animalia perfecta formauit,) perpetuam legem dedit, ut continuaretur procreatione successio: perfecta autem in exordio fieri potuisse, testimonio sunt nunc quoque non pauca animantis, quae de terra et imbre perfecta nascuntur, ut in Aegypto mures, et aliis in locis ranas serpentisque et similia.

vim; et hanc horum animalium generationem a Nili fecunditate deriuabant. Pythagoras vero huius opinionis vanitate adeo non decipi se patiebatur, vt potius communi praeceptorum suorum errori haud cederet, sed libere negaret, istam generationem naturae legibus fieri posse: animalia enim tantum semine ab animalibus, non putredine procreari 42).

Dierum denique criticorum, quos climactericos vocant, leges primum a Pythagora fuisse obseruatas scriptasque, sunt, qui Galeni 43) auctoritate inducti contendunt. Verum enim vero, quamuis ego multa legerim, quae Pythagoram multum studii posuisse in numerorum natura rimanda, atque quibusdam numeris tribuisse, nescio quam, praestantiam et excellentiam prae reliquis doceant: tamen nescio, an locupletis scriptoris antiqui testimonio probari queat, philosophum hanc de numerorum natura doctrinam ad morbos annosque vitae humanae transfulisse, diesque annosque hos sanitati vitaeque inimicos nostrae, illos innocuos iudicasse.

Pertractatis igitur his, quae Pythagoram non oscitantem fuisse corporis humani spectatorem ostendunt, liceat subiungere ea, quae de morborum et causis et remediis statuerit. Videtur tamen ante omnia exponenda esse, quam sibi finxerat sanitatis notionem. Et eam quidem variam variis in locis finit. Nunc enim illam constantem formae florem (εἶδος διαμονήν) vocitando 44) ad id respiciebat, quod prosperam sequi valerudinem solet; nunc amicum quandam

C 3 consen-

42) Diogen. Laërt. l. c. 28. p. m. 510.

43) de facili parand. med. libr. III. 10. X. p. 653. vbi tamen, libro diligenter perlecto, ne vestigium quidem invenire potui illius Pythagorae tributae opinionis. Hoc quidem constat, illum distribuisse humanam vitam in quatuor aetates, et vnicuique viginti tribuisse annos. Diog. Laërt. l. c. 10. p. 495. Nisi tamen quis velit sola Galeni auctoritate acquiescere, qui (de diet. cris. libr. III. c. 2. p. 501. 10. VIII.)

Pythagoram miratur, quamuis sapientem, tamen nimium numeris tribuisse. E quibus quidem verbis ego tamen nescio, qui illud cogi possit, Pythagoram iam dierum quandam statuisse differentiam, aliosque, tanquam tunc de segris iudicaretur, criticos (κρίσιμους) adpellasse. — Censorini enim (de die nat. c. 14.) testimonium, vereor, vt vlla apud seueriores iudices sit auctoritate.

44) Diogen. Laërt. l.

consensum et harmoniam ⁴⁵⁾, ad causam fundamentumque, cui innixa consistit. Quae quidem harmonia in quonam praecipue posita fuerit, quamquam Pythagorae verbis docere non possumus: tamen id illorum, qui eius auctoritatem amplectabantur, scripta satis ostendunt. Theages enim sanitatem cerni existimabat in apta quadam facultatum, quae in nostro corpore sunt, temperie: et quemadmodum in musica arte omnis pereat concinnitas et harmonia, si quis acutos et graues sonos, illorumque ad hos rationem tollere velit: ita et concussam corrumpere sanitatem, ratione, quae inter frigidum et calidum, inter humidum et siccum etc. e naturae legibus obtinere debeat, sublata ⁴⁶⁾. Iam vero quod ad causas morborum attinet, quamquam eas poterat ex harmoniae perturbatione deriuare; tamen, silentibus hac de re omnibus, qui vitae eius opinionumque scriptores nostram tulerunt aetatem, illam sententiam non fouisse videtur, potiusque omnium morborum causas huic vni subiecisse: immensa illa aëris aequora plena esse animis, quae daemonum atque heroum nomine insignes hominibus somnia immittant, signaque morborum tradant et sanitatis ⁴⁷⁾. In cuius quidem opinionis patrocinio suscipiendo parum, imo vero nihil dissentiebat a communi suae aetatis, et antiquiorum adhuc temporum errore, quo cum omnes morbos, tum illos, qui celeriter, et praeter opinionem incidunt, hominesque opprimunt, quorumque signa insolita sunt, et immanitate terrent sua, Deorum irae tribuebant. Hinc facile est ad perspicendum, in quonam potissimum, vti tota antiquitas, ita et ille collocauerit morborum tollendorum remedia, prosperaeque valetudinis tuendae subsidia. Expiationes scilicet, sacrificia, lustrationes, aliaeque, quibus daemonum heroumque illorum ira leniri possit, satis efficacem praebere medicinam ipsi videbantur. Neque tamen in illorum vsu solo omnem

45) Ibid. §. 33. p. m. 514.

46) Apud Stobaeum *sermon. I. p.*

m. 9. lin. 35. ff. coll. cum pag. 12. lin. 17.

47) Diogen. Laërt. l. 6. 33. p. 514.

omnem medendi morbis scientiam positam a Pythagora fuisse putandum est; musices enim in hominum animos vim ita cognitant perspectamque habuit, ut ipsam non dubitaret tum adhibere, cum tristitia ac moerore debilitatos penitusque fractos, aut vehementioribus animi commotionibus de statu mentis deiectos deprehenderet ⁴⁸). Qua in re exemplo praeiuit suo summis in arte nostra viris, cum quos antiqua, tum quos recentior protulit aetas. Galenus ⁴⁹) enim, ut vnum e multis laudem, hac ipsa ratione multos persanatos fuisse adfirmat, quos effrenis animi perturbati licentia adflixerat, nec tota medicamentorum farrago restituere sanitati poterat suae. Galeno illustres temporum recentium medicos liceat comites adiungere ⁵⁰), quorum luculento ac locupleti testimonio constabit, non vana esse, quae de musices in animi commotionibus sedandis vi tradiderant antiqui, sed experientia, firmissimo salutaris professionis fundamento, niti. His, quae Pythagoram medicinam fecisse probare videntur, nescio, an addere debeam cum illud, quod, solo Diodoro ⁵¹) teste, Pherecydem decumbentem adiit, morboque liberare sit omnibus viribus conatus: tum quod magis externis remediis, quam internis in usum vocatis contra morbos pugnauit.

48) Huius rei testimonium potest e Timaeo apud Gale. (*opusc. myth. p. 362.*) coll. cum Porphy. in *vit. Pythag. num. 30. p. 36. et 37. p. 37.* — Quid? quod et ebrios commestatores ad sanam reuocauit mentem musices vi. Cf. Basil. Magn. *or. de leg. gent. libr. 8. 13.*

49) *de sanis. tuend. l. c. 8. to. VI. p. 53.* quo in loco etiam huius consilii auctor laudatur Aesculapius: *ἐν ὀλίγῃς δ' ἡμεῖς ἀνθρῶπες νοσῶντας ὅσα ἐτη δια τὸ τῆς ψυχῆς ἥθος ὑγιεινὰς ἀπεδείξαμεν ἐπανορθωσάμενοι τὴν ἀμετρίαν τῶν κινήσεων. ἡ μικρὸς δὲ τῶ λόγῳ μάρτυς, καὶ ὁ πατήριος θεὸς ἡμῶν, Ἀσκληπιός, ἐκ ὀλίγας ὥ-*

δὰς τε γράφεισθαι, καὶ μίμης γελοίων, καὶ μέλη τινα ποιεῖν ἐπιτάξας etc.

50) Vid. D. Io. Wilh. Albrecht *de effectu mus. in corp. anim. p. 122—136.* ubi medicorum omnium fere, qui musices in corpus animale efficaciam experti sunt, testimonia diligenter collecta legi possunt.

51) *In excerpt. de virt. et vit. p. 554.* Πυθαγόρας πυθόμενος τὸν Φερεκύδην — ἐν Δήλῳ νοσῶν, καὶ τελῶς ἐσχάτως ἔχον, ἐπλευσεν ἐκ τῆς Ἰταλίας εἰς τὴν Δήλον. ἐκεί τὸν χρένον ἰκανὸν τοῦ ἀνδρα γηροτροφῆσας, πᾶσαν εἰσενέγκατο σπαδὴν, ὥς τὸν πρεσβύτερον ἐκ τῆς νόσας διασωσάσθαι, κατισχύσαντος δὲ τῶ Φερεκύδῃ etc.

nauerit, et illis vt plurimum ad vlcera sananda vsus fit, quorum in curatione secare atque vrere noluerit. Id enim de schola tantum, cui nomen famamque dederat Pythagoras, Iamblichus ⁵²⁾ ita narrat, vt incertum relinquat, atque infinitum, an praeceptoris id ea fecerit auctoritate, et exemplo inducta, nec ne.

Haec igitur, quae salutaris artis aliquam scientiam in Pythagora fuisse ostendunt, vtrum e libro aliquo, de medicina a Pythagora scripto, petita, an solummodo ex sermonibus, ad familiares habitis, hausta sint, iam nunc breuiter disquiramus. Equidem illud opus, quod *de natura* conscripisse fertur ⁵³⁾, non commemorabo, cum nullo constet aut inde decerpto fragmento, aut alius scriptoris testimonio, philosophum in illo tractasse naturam hominis, humani corporis partes et structuram considerasse, earumque varia munera, et munerum peragendorum variam rationem explorasse. Maiori fortasse iure poteram ad alium de magicis herbarum viribus librum prouocare, quem Plinius ⁵⁴⁾ ad

Pytha-

52) *De vita Pythag.* c. 34. p. m. 204. ἀψασθαι δὲ καὶ ΚΑΤΑΠΛΑΣΜΑΤΩΝ ἐπιπλεῖον τὰς Πυθαγορείας τῶν ἐμπροσθεν· τὰ δὲ περὶ τῆς ΦΑΡΜΑΚΕΙΑΣ ἦττον δοκιμαζεῖν αὐτῶν. δὲ τέτων πρὸς τὰς ἐκνώσεις μάλιστα χρῆσθαι. τὰ δὲ περὶ τὰς τομάς καὶ καύσεις ἡμῶν πάντων ἀποδέχεσθαι. Iac. Loganus in misc. obseru. nou. to. I. p. 10. emendat ἀψασθαι δὲ χρεισμάτων (seu χρίσεων) καὶ καταπλασμάτων. nescio, an necessaria coniectura. Magis placet, quod τὰ περὶ τῆς Φαρμακείας exponit de potionibus et medicamentis internis: quem sensum hisce verbis inesse debere, antea iam notaueram, quam in huius viri notas incidebam, quibus Kusteriana Iamblichi editio augeri potest. — Ferrum ignemque ad vlcera sananda olim adhibitum fuisse,

docent plura Celsi loca v. c. V. c. 26. vetus autem vlcus scalpello concidendum (ita leg. cum Leon. Targa p. 283) est, excidendaeque eius orae, et quicquid super eas liuet, incidendum. Ibid. p. 284. post vstionem putris vlcus etc.

53) Diogen. Laërt. l. c. 6. p. 492. γέγραπται δὲ τῷ Πυθαγόρᾳ συγγραμματα τρία· παιδευτικόν, πολιτικόν, Φυσικόν.

54) *hystor. nat.* XXV. p. m. 360. ab eo (Homero) primus Pythagoras, clarus sapientis, de herbarum effectu volumen composuit, Apollini, Aesculapioque, et in totum Diis immortalibus inuentione et origine assignata. Cui loco add. et libr. XIX c. 5. p. 169. vnam de iis (scillae generibus) volumen condidit Pythagoras philosophus, colligens medicas vires, quas proximo reddemus libro.

Pythagoram refert auctorem. Cuius quidem operis aliqua videtur pars in medicis scillae virtutibus explicandis occupata fuisse. Plinius certe cum vires scillae medicas magicasque enarrat, Pythagoram laudat philosophum, nec alius, quam quem ab hoc de magicis herbarum viribus conscriptum esse commemoravi, libri iniicit mentionem. Plinii partes amplectitur et auctor libri tertii *de medicamentis facile parabilibus*, et Samium philosophum in scillae vires inquisivisse testatur⁵⁵). Quae omnia, quamvis probabiliter disputari possent: tamen cum non ignorem, et Plinium sibi non constare, et alio in loco, quem nunc Pythagorae tribuit librum, eundem Clemporo a multis assignari, profiteri⁵⁶), coniecturis non diutius inhaerebo speciose exornandis. Quamlibet enim eligamus sententiam, seu libros a Pythagora de medicina compositos adfirmemus, seu cum aliis contrarias amplectamur partes; hoc tamen, cuius causa haec omnia hucusque sunt disputata, extra omnem dubitationis aleam positum esse videtur, fuisse in Pythagora et studium et intelligentiam salutaris artis, pro illorum temporum ratione insignem.

A L C M A E O N .

Videbatur in huius viri, quamquam a Celso in sapientum, medicinae studio illustrium, censum non relari, merita iniurius esse, si, quem in scholis suis, philosophiae contemplatio-

55) 10. X. p. 663. ὑγιεινὸν κάλλιστον τὸ περὶ σκίλλης Πυθαγόρου γραφέν — καὶ αὐτὸς μὲν ὁ Σάμιος γέρον (ἐν ἀγνοίᾳ γὰρ ὅσον χρόνον προσέκοιεν) μέμνηται ἐν τῷ συγγραμμάτι etc. Hinc nescio, an cum Menagio ad Diog. Laërt. p. m. 376. b. Mureti (var. lect. IX. c. 20. in Gruter. Lamp. crit. 10. II. p. 1049.) emendatio sit reicienda, in Diogene (VIII. 47. p. 525.)

legentis τὰ περὶ σκίλλης γεγραφότα pro vulg. τὰ περὶ κήλης γεγρ. Pythagoram enim philosophum etiam scillam admiscuisse cibo, famis arcendae causa sumto, Porphyrius in vit. Pythag. num. 34. p. 38. ed. Kuster. auctor est.

56) bist. nat. XXIV. 17. p. 351. nec me fallit, hoc volumen eius a quibusdam Clemporo medico adscribi.



plationi dicatis, etiam ea discipulos docuisse suos tradunt scriptores antiqui ¹⁾, quae ad penitiorē corporis humani notitiam pertinent, silentio praetermitterem.

Ac dissectorum quidem animalium primam, si Chalcedio ²⁾ fides habenda, laudem sibi vindicavit, inprimis in oculi structura rimanda occupatus, de qua multa et praeclara in lucem protulit. Quae qualia fuerint, aliorum scriptorum testimoniis destitutis diligentius exponere haud licet. Et enim illa, quae Chalcedius *l. c.* de oculi natura, variis eius partibus, variaque harum coniunctione attulit, quamvis egregia, tamen, cum e pluribus scriptoribus sint collecta, in medio quasi relinquunt, quid ab Alcmaeone inuentum explicatumque fuerit. Vidit idem iam celebris historiae medicae scriptor, *Io. Henr. Schulze* ³⁾ cuius sententiam, a rei veritate haud alienam, meam facere haud dubitavi. Eandem, incilis cadaueribus comparatam, corporis animalis cognitionem comprobant ea, quae de ductu aliquo, ex aure in fauces hiantē, teste Aristotele ⁴⁾, statuit Alcmaeon. Cum enim capras per aures respirare adfereret, videbatur viam aliquam inuenisse, quae ex aurium cavitāte ad fauces tenderet. Istius tamen

1) Diogen. Laërt. *VII*. 83. p. 542. *Ἀλκμαίων Κροτωνιάτης, καὶ ἑὸς Πυθαγόρα διηγεσά, καὶ τὰ πλεῖστα ἡ ἐκτερεῖα λέγει.*

2) *Comment. in Platon. Timaeum* p. 340. ed. *Mearf.* de oculi natura cum plerique alii, tum Alcmaeus (varie enim scribitur huius philosophi nomen: nunc Alcmaeon, nunc Alcmaeus, nunc Alcman.) Crotoniensis, in physicis exercitatus, quique primus exsectionem adgredi est ausus, at Callisthenes, Aristotelis auditor, et Herophilus multa et praeclara in lucem protulerunt.

3) *Vid. histor. anatom. spec. I.* diff. sub eius praesidio defensa a *Io. Khelle.* Altorf. 1721. §. 32. p. 30.

4) *Cl. histor. anim. libr. I. c. n. p. m.* 770. ed. du Vall. *ἐστὶ δὲ καὶ Φαλλῆς μέγρον, δι' ἃ ἀναίει, ἀπνεν, τὸ ἔς. Ἀλκμαίων γὰρ ἐν ἀληθείᾳ λέγει, Φάμενος, ἀναπνεν τὰς ὠγὰς κατὰ τὰ ὦτα.* In qua loco qui e Varro. de re rust. *II. 3. p. m. 260.* coll. cum *Plin. hist. nar. VIII. 50.* *Ἀρχέλαος* pro *Ἀλκμαίων* legi maluit, (id quod fecere *Victor. var. lect. XXXVI. 9. p. m. 988* et *Mercurial. var. lect. 2. 10.*) si viderint, an cum rationibus chronologicis coniecturam componere possint suam. Vixit enim Archelaus ille Ptolemaeorum temporibus atque adeo post Aristotelis tempora. Animadvertum est idem iam ad *Arist. l. c.* a commentatoribus.

tamen itineris descriptionem pro ea, qua erat in omnes, qui ipsius aetatem occupauerunt, viros, inuentorum laude claros, iniquitate 5), reticuit Aristoteles ita, vt haberet, de cuius inuento posset gloriari. Nam paucis tantum interiectis, descripsit ductum, qui a *Bartbolomaeo Eustachio* in inuenti honorem nomen accepit, sic, vt eum ab illo crederes demum fuisse detectum 6).

At audio quosdam, qui Chalcidii testimonium eam ob rem vilius auctoritatis esse negant, quod is homo, cuius philosophiae praecepta carniū esum, omnemque omnino cadaueris contactum interdicebant, vix et ne vix quidem incisis animalium cadaueribus ad laudis honorem adspirare potuerit 7). Quorum quidem aduersariorum argumenta vereor, ne fundamento innitantur facile diruendo. De carni-
bus enim a Pythagoreorum victu exclusis, tanta inter scriptores antiquos dissensio est, vt difficillimum sit ad decernendum, quid hac in re placuerit illius familiae auctori. Sunt, qui Pythagoreos nulla praeceptoris lege coërcitos, atque carniū victu interdictos fuisse contendunt; inter quos Aristoteles, Aristoxenus, Alexis 8) alique: alii, si numerum spectemus, laudatis superiores, si aetatem fidemque, longe inferiores, contrariam tuentur sententiam 9): alii de-

D 2

nique

5) Conf. Hornius *hist. philos. libr.* 3. c. 15. p. 197. Moshem. ad *Cudworth. syst. intellect.* p. III. not. 2. Sam. Parker *disput. L de Deo* §. 5. p. 16. vt ipse (Aristoteles) solus principatum obtineret, nihil in omni philosophia tam adsidue conatus est, quam vt philosophorum omnium, qui antecesserunt, existimationem imminueret.

6) *l. c. τὸ το* (sc. τὸ εἰς) εἰς μὲν τὸν ἐγκέφαλον καὶ εἰς τὸν πόρον, εἰς δὲ τὸν τῆς σωματικῆς ἀναγωγῆς.

7) Vid. Ioh. Conr. Barchusen *de ortu et progressu medicinae* p. III. 127. Eodem loco alium errat errorem vir

eruditus, cum Alcmaeonis aetatem in Platonis tempora incidisse adserat. Ille enim iam floruit olymp. LXV. atque adeo tunc temporis XXX. et quod excurrit, annos haud dubie natus: hic vero demum olymp. LXXXVIII. nascebatur, quo tempore Alcmaeon octogennarius senex esse debebat.

8) Trium horum scriptorum testimonia Gellius *noct. att. IV. c. 11.* commemorat, quem cf.

9) V. c. Seneca *epist. 108.* Lucian. *vir. auct. l. c.* Plutarch. *de carn. esu.* alique.



nique mediam ingrediuntur viam, atque aut quorundam tantum animalium carnes in victum cessisse Pythagoreis, alias contra ea vel vt impuras, vel vt sanitati aduersas, vel vt Diis sacras ab iis fuisse spretas, aut denique quandam quasi discipulorum classem, quae esotericorum vocatur, seueriores has cibi potusque leges obseruasse credunt¹⁰⁾. Et horum quidem sententiam, cum liceat et cum illorum scriptorum testimonio, qui Pythagoram suae philosophiae adseclis animalem victum concessisse adfirmant, et cum illorum auctoritate componere, qui id negant, ego quoque, si quae partes amplectendae sint, nec adfensionem liceat retinere, probaverim. Neque vero mortuorum corporum fuga omni dubitationi erepta esse videtur. Quamquam enim Pythagoras¹¹⁾ discipulis praecipiebat suis, vt ne castitatem, qua Deos colendos esse existimabat, funeribus curandis laederent: tamen inde non efficitur, vt omne vitare deberent cadauer, ab eoque attingendo abstinere. Nam si haec fuerat illius praecepti vis, illud ipse Pythagoras, cum ad Pherecydem proficisceretur, vt praeceptorem, morbo foedo confectum, sepeliret¹²⁾, sui exempli auctoritate erat labefactaturus. Itaque hoc potius voluisse videtur Pythagoras, castitatem illam laedi quidem, vti funerum curatione, ita Veneris vsu, et victu ex animalibus impuris, et quae sunt reliqua: eandem tamen expiationibus, lauacrisque denub reparari posse. Quae cum ita sint, non video concusam corruere testimonii, a Chalcidio pro cognitione partium quarundam internarum corporis animalis, quam sibi Alcmaeon incisis cadaueribus comparauerit, dicti auctoritatem. Neque vero dubito, illam ipsam virorum eruditorum adfirmationem, Alcmaeonem, quod Pythagorae philosophiam secutus

10) Vid. Scheffer, de *philos. ital.* p. 134. — Omnem hanc litem, diu multumque inter eruditos agitatam, nuper clarissim. Tiedemann, *l. c.* p. 310 — 315. diligenter exposuit.

11) Diogen. Laërt. VIII. 33. p. 515.

12) Diodor. Sicul. in *excerpt. de virt. et vit. l. c.*

secutus sit, *non adgressum esse exsectionem*, diluere ita, vt Aristotelem excitem, qui, si Pythagoreis, vt cadauer attingerent vllum, interdictum fuisset, optimam nactus erat occasionem, in inuenta eorum palam inuadendi, sibi que eorum tribuendi honorem. At cum tectius rem egerit istam, causae videtur diffusus esse suae, atque metuisse, ne, fraude detecta, in seculi reprehensionem incurreret sui. Doctrina igitur Pythagoreorum, illustribus probata documentis, plane non in dubitationem vocata, illorum solum tacuit nomina tunc, cum eorum inuenta scriptis suis inferebat.

Iam vindicata, quantum in nostra facultate fuit, Alcmaeoni incisorum animalium gloria, videamus, quam ratione iis, quae anatome cognouerat, vsus sit ad varia corporis animalis munera explicanda. Atque in sensuum quidem natura rimanda praeceptoris reliquit sententiam, aliamque ingressus est viam, eos, anatome facem praeferente, exponendi. Etenim *auditum* pendere adserebat non a calido illo, qui Pythagorae placuit, vapore, sed a loco vacuo, in aurium penetralibus conspicuo, qui ab aëris vibrantis impulsu concussus ederet sonum ¹³⁾: hunc, pro vi maiore minoreue pulsantis aëris, fortiorem debilioremue miram efficere sonorum varietatem, quae apta coniunctione aures deliniret nostras. Odorata corporum effluuia attrahi discernique ab illa, quae ratione praedita est, animae parte, in cerebro collocata, sicque *odoratum* perfici ¹⁴⁾. *Gustatus* denique indolem in humida, tepidaque linguae natura positam esse, qua, cum mollitie coniuncta eiusdem, sapores a se inuicem distinguerentur ¹⁵⁾.

Seimen, quod ex utroque parente venire existimabat ¹⁶⁾, esse cerebri partem ¹⁷⁾, supra iam ab Alcmaeone fuisse defensum, monui: ex hoc foetum, cuius sexus ab illo parente

D 3

pen-

13) Plutarch. *hyst. philos.* IV. 16.

14) Plutarch. *l. l.* c. 17.

15) Ibidem c. 18.

16) Censorin. *de die nat.* c. 5. p. 26. ed. Lindenbr.

17) Plutarch. *l. l.* V. c. 3.



pendeat, a quo vberior feminis copia aduenerit¹⁸⁾, formari ita, vt caput, praecipua corporis animalis pars, animi quippe sedes ac domicilium effingatur primum, cui sensum sensumque aliae succederent partes¹⁹⁾. Perfectum corpus et absolutum adfugere per totam ipsius superficiem, spongiae instar, ex humoribus, foetum in vtero cingentibus, particulas nutrientes, easque per omnem distribuere corporis molem²⁰⁾. Quam quidem sententiam, teste Aristotele²¹⁾, de auium quoque generatione fouit, quas e vitello ouorum natas albo ex iisdem nutrirī contendebat. — Hominis igitur tunc demum pube contegi, cum semen ad generandum aptum fecernatur; vti plantae prius florere debeant, quam in semina abire possint²²⁾. — A Venere imminui adipem²³⁾. —

Sterilitatis quoque, in mulis obseruatae, causam anquirit, in qua indaganda et philosophi et medici haud pauci defudarunt, eamque partim in tenui frigidoque mulorum semine, partim in eo inuenisse sibi videbatur, quod mularum matricēs non hiarent, nec adeo ad semen recipiendum idoneae essent²⁴⁾.

Neque vero minus exercuit philosophos antiquissimorum temporum somni mortisque explicatio, quam Alcmæon hac fere ratione animo conceperat suo. Sanguine ad maiora sanguifera vasa restuo, maximamque ibi partem stagnan-

18) Cenforin. *l. l. c. 16.*

19) Plutarch. *l. l. c. 17.* Idem illud, docuit Aristoteles, (*hist. anim. III. c. 7.*) vna cum spina dorsi primum fingi in animalibus, quorum corporis moles ossium compage suffulta est.

20) Ibidem.

21) Cf. *de gener. anim. libr. III. c. 2.* p. m. 1099.

22) Vid. Aristot. *histor. anim. VII. c. 1. p.*

23) Cenforin. *l. l. c. 5.*

24) Plutarch. *l. l. c. 14.* Ἀλκμαίων τῶν ἡμιόρων τὰς μὲν ἀρρενας ἀγόνες, παρὰ τὴν λεπτότητα τῆς θορῆς, ὅ ἐστι σπέρματος, ἢ ψυχρότητα (ita cum Reiskio leg.) τὰς δὲ θηλείας παρὰ τὸ μὴ ἀναχάσκειν τὰς μήτρας, ὅ ἐστιν ἀναστροφὰς. ΟΤΤΩ ΓΑΡ ΑΤ-ΤΟΣ ΕΙΡΗΚΕΝ. Qui locus vel eani ob causam notandus est, quod ipsa Alcmæonis verba, forte e libro physici argumenti (Φυσικὸς λόγος, cf. Diogen. Laërt. *VIII. 83. p. m. 142.*) continere videtur.

stagnante, hominem incidere in somnum, qui non nisi sanguine denuo aequaliter per totum corpus distributo discutetur: quod nisi fieret, sanguine potius ad ista maiora vasa confluyente omni, mortem accidere²⁵⁾.

Sanitatem denique in aequali proportionem distributionemque calidi frigidique, sicci atque humidi, amari atque dulcis, similitumque facultatum cerni: qua ratione aliquo modo turbata, calidoque aut frigido, aut humido, aut sicco etc. praescriptas a natura leges migrante, morbum incidere²⁶⁾. In qua quidem sententia defendenda Pythagorae agnoscimus discipulum, subobscuram *harmoniae* vocem, qua ille sanitatem comprehendebat, verbis intellectu facilioribus exponentem. Similis, vel potius eadem prosperae valetudinis descriptio, a Theage facta, nisi iam fuisset in superioribus occupata, cum hac Alcmaeonis poterat comparari.

Quae hucusque de medica Alcmaeonis scientia sunt disputata, ea, opinor, satis clare innuunt, illam magis in contemplatione, quam in actu positam fuisse. Iam vero liceat cum illo componere Empedoclem, virum summi ingenii, nec vulgaris doctrinae, quem naturalis philosophiae studio floruisse, Gellius²⁷⁾ testatur, atque cum, quae ostendant, quo iure a conditoribus historiae medicae inter eos relatus sit, qui cum sapientiae studio artis salutaris professionem coniunxerunt, tum ea colligere, quibus sententias Alcmaeonis emendavit, auxit, firmavitque.

EMPE-

25) Plutarch. *l. l. c. 23.* in quo loco cum Reiskio αἰμόρρως φλεβας legi malim. Ita enim maiores venas, quae sectae multam sanguinis fundant, vocari, loca Hippocratis docent, a Foëssio in *oecon. Hippocr. v. αἰμόρρως φλεβας*, allata. — Dein vi oppositionis addidi illa: *maximam partem*, quae in graecis non leguntur.

26) Plutarch. *l. l. c. 30.* quem locum is cum Stobaeo (*sermon. XCIX. p. m. 512.*) e communi fonte videtur hausisse. E Plutarcho tamen addi velim *ψυχῆς*, quod haud dubie a vicino *πνεύματος* male expulsum est.

27) Vid. *noct. attic. XVII. 21. p. m.*

Cognitionis medicae, quae in hoc fuit, specimina enarraturus eidem ordini, quo in antecedentibus usus sum, studebo, atque, omnibus relictis, ea quae anatomes aliquam peritiam probant, ita exponam, ut cum Alcmaeonis inuentis contendam.

Quae igitur Alcmaeon de auditu, a vacuo intra aures posito loco, qui aeris impulsu percussus resonaret, pendente adseruerat, ea ita emendauit Empedocles, ut hunc sensum potius vi aeris perfici contenderet, qui pertundens partem cochleae similem, et in aurium cauitate veluti tintinabulum quoddam suspensam, sonum ederet, ab animo percipiendum discernendumque ¹⁾. Quae verba quamuis videantur clara, et sine omni ambiguitate dicta: tamen fuerunt inter viros eruditos recentiorum temporum, qui aegrius forte ferentes, quod Empedocles, illa videlicet rudi et illiterata, qua vixit aetate, iam ad interiora auris penetralia inuestigando peruenit, negarent Empedoclem hisce, quae laudauit, verbis significasse cochleam, in osse petroso ante canales, semicirculares dictos, sitam, sed potius innuisse tortuosos cartilaginis anfractus, qui aurem externam constituunt. Cupidi tamen illi omnis antiquitatis reprehensores viderint, qui ipsorum adsertio cum Plutarchi verbis stare possit. Is enim partem κοχλιῶδα, quae ab aëre percussa resonet, et quam *tortuosam* interpretantur, non extra aurem positam, sed intus ab Empedocle collocatam fuisse narrat. Quo quidem testimonio omnis cadit et quasi praeciditur disputatio de vera vocis κοχλιῶδες explicatione orta.

Alcmaeonem vidimus in sterilitatis, quae mulis solemnis esse solet, causam inquisiuisse, in qua reperiunda et Empedocles studium operamque posuit suam. Ille cum in mulos,

tum

1) Plutarch. de plac. philos. IV. c. 16.

tum in mulas infecunditatis culpam conferebat; hic illis liberatis, has tantum reas iudicatas condemnabat. Etenim mulas negabat foetum concipere posse, cum ipsis natura uteros concefferit graciles, exiguos, quorumque obliquus in abdomine positus impediat, quominus semen via recta ad illos perueniat, ac etiamsi eo usque penetraverit, tam arcte clausos, ut illud intrare non possit ²⁾. Cuius quidem opinionis haud dubie observationibus, ex mularum dissectione collectis, superstructae defensionem suscepit quoque Diocles, celebris post Hippocratis tempora medicus, eamque pluribus mularum uteris incisis veram inuenisse testatus, ad sterilitatis, quae multis incessit feminis, causam adhibuit explicandam ³⁾.

Breviter igitur enarratis, quae anatomes intelligentiam in Empedocle fuisse ostendunt, iam nunc ea colligamus, quae eundem nobis non oscitantem naturae humanae spectatorem exhibent. Haud enim dubito, fore, quibus haec acis ingenii contemplationisque diligentis, qua claruit, specimina egregie placeant, quique Plutarcho, vel quisquis tandem auctor sit libri de *his, quae philosophis placere*, gratias habeant, quod magni illius philosophi sententias de visus, olfactus, auditusque modo, de respirationis officio, de nutritionis ciborumque appetitus ratione, de variorum elementorum, quibus corpus humanum constet, facultatibus, de somni mortisque causis, aliisque, a philosopho quae diligenter disquirantur, argumentis obliuioni ereptas nobis seruauit. Quae quidem omnia ita tractabimus, ut hominem a primo, quo conceptus est, temporis momento usque dum eius

2) Ibidem libr. V. c. 14.

3) l. c. A Plutarcho tamen abit Aristoteles, (de gener. anim. II. c. 10.) atque Empedoclem tradit hanc sterili-

tatis, in mulis obseruatae, causam in mixtione seminis cum masculi, tum feminini spissa, ex utroque semine molli pendente, paulo obscurius posuisse.



eius corpus, morte ab anima solutum ac putredine resolutum in ea, e quibus fictum efformatumque est, elementa destruitur, Empedocle praeunte, consideremus. Neque enim is in eo acquiescebat, ut partes, quibus homo aditus constat, nosceret, sed et in viam ac rationem inquirebat, qua naturae sapientia ipsas illas partes sensim sensimque former, formatasque eo perficiat, ut, quin eas miretur, animum habeat, ad pulchri perfectique sensus percipiendos hebetem atque obtusum.

Ac de semine quidem ea iam meditatus est Empedocles, quae et recentioribus temporibus patronos defensoresque inuenere suos. Etenim tam maribus, quam feminis semen tribuebat, et in utroque particulas quasdam futuri hominis repositas latere adfirmabat. Has diuisas particulas in mutuum miti connubium, eoque nisu efficere coeundi desiderium 4). Seminis utriusque molecularum maiore minoreue, quam ad formandum hominem necessaria esset, copia ad feminae naturam delatis, aut non omnibus eadem celeritate, eodemque ordine proiectis, aut particulis illis, quae coniungendae essent, a se discedentibus, et in alienum inuadentibus locum: monstra lusque naturae oriri 5): vnaquaque contra ea illarum molecularum his terue aequaliter diuisa, aut in vniuersum genitali humore nimium adfluente, gemellos aut tergeminos nasci foetus 6).

A pa-

4) Aristotel. *de gener. anim.* I. c. 18. et Galen. *de femin. libr. II.* c. 3. 10. III. p. m. 218. qui hanc Empedoclis sententiam multis refutat. Similem fuit opinionem auctor libri *megi 70-75*, ad Hippocratem relati, et inter recentiores L. Ren. Moreau (*Venus physiqu.* c. 17. P. II. c. 5.) Anglus anonymus *Essay on Fecundation* p. 24. ff.) alique ab illustri Hallero (*elem. physiol. corp. hum.* 10. VIII. p. 120. ff.) laudati. Cf. et Buffonus (*allgem. Histor. der Natur B. I. Th. 2. c. 5.*)

5) Plutarch. *I. c. c. 8.* Videtur igitur Empedocles Io. Bapt. Mazine (*instr. med. mecan. Brix. 1735. 4.*) alii quo praecipuisse iam explicationem formandi foetus a particulis cum masculi, tum femini seminis secundum leges specifici ponderis sese ordinantibus deriuatam. Cf. ill. Halleri *diff. de form. monstr. mecan. in opp. min. 10. II.*

6) Plutarch. *I. I. c. 10.* Hancce, qua is originem gemellorum tergeminarum- que

A parentibus aliis cum obseruasset non nisi pueros, ab aliis vero non nisi puellas procreari: huius rei causam rimatus, illorum feruidam, harumque frigidam atque desidem indolem in causa esse iudicabat 7). Quae quidem ratio nisi verior, probabilior tamen ea est, qua similitudinem explicare studebat, inter parentes ac liberos haud raro intercedentem. Patrem enim aut matrem, quo plures aut ille, aut haec seminis moleculas in foetus formationem impenderit, eo magis referre sobolem existimabat 8): liberis vero ad neutrius parentis similitudinem accedentibus, calorem, semini propriam, fractum atque dilapsum accusabat 9). Nec tamen acquiescebat acre Empedoclis ingenium in hac una similitudinis causa, parentibus saepe cum liberis communis, inuenta; sed addebat et, quae recentioribus temporibus saepius in controuersiam deducta est, phantasiam matris, quae quo viuidior esset, eo efficacior in foetus imaginem ad matris similitudinem effingendam ipsi videbatur 10).

Varias corporis animalis partes, quarum formationem demum elapsis XXXVI. diebus incipere, et post quadragesimum quarto absolui 11) statuebat, varia principiorum, quae sumebat, mixtione componi: carnes ex aequis aëris, aquae, ignis, terraeque partibus coire: nervos praeter pares aëris et aquae portiones duplam ignis terraeque continere, atque libero expositos aëri, igneis exhalantibus particulis, in massam abire duram, et hominum ungues, animaliumque aliorum ungulas formare: ossa inprimis ex aqua, terraque compingi: sudorem denique lacrymasque mixtas inuicem quatuor ignis terraeque partibus cum vna aquae aërisque constare 12).

E 2

vlla

que foetuum explicare studuit, opinionem denuo in scenam produxit, ingenioseque exornauit Buffon, l. c. p. 349. et 356.

7) Cf. Plutarch. l. l. c. 7.

8) Ibidem c. 11.

9) Ibidem.

10) Ibidem c. 12.

11) Plutarch. l. c. V. c. 24.

12) Idem V. c. 22.



vlla corporis parte imminutae rationem turbarent, quae inter ipsas naturae legibus constituta obtineret: tunc quodam quasi instinctu omnia duci, quin et cogi animalia, vt perditas illas quocunque modo moleculas nouis repararent; hinc *ciborum appetitum* esse deriuandum 13). Inde enim secerni particulas, animalis corporis oeconomiae accommodatas, quae si subsiderent, corporique adponerentur, *nutriri*, et calore accedente, *crescere* illud: contraque ea imminui destruique omnino, et secretionem particularum nutrientium imminuta aut plane sublata, et calore fracto omninoque extincto 14). Vtrumque vero per singulas hominum aetates magis magisque imminui haud dubie videbatur Empedocli, cum homines sui seculi comparatos cum illis, qui primi a natura facti formatique sint, tam exigua statura, tantaque virium debilitate esse adfereret, vt non nisi infantes referrent 15). In eodem calore paululum restincto *somni*, in extincto *mortis* causam inuenit 16).

Iam vero Empedoclis de via ac ratione, qua *visus* perficiatur, sententiam exposituro, liceat aliorum quorundam physicorum eadem de re opiniones antea transire, et tantummodo perstringere, quae vti plures erant, ita et in diversas inuicem partes discedebant. Erant enim, qui, oculos nostros speculis similes esse rati, in quibus imagines rerum externarum expressae conspicerentur: rationem tamen non adderent, qua fieret, vt eiusmodi imagunculae in speculi superficie formarentur, formataeque rem obiectam ad vivum exprimerent. Alii melius sibi explicare videbantur visus theoriā sumtis radiis, qui ex oculo in rem obiectam quasi effunderentur, ibique per omnem superficiem ita distribuerentur, vt, si seruato illo ordine ad oculum reflecterentur, formam efficerent plane similem rei conspectae: alii

13) Ibidem c. 28.

14) Ibidem c. 27.

15) Plutarch. l. c.

16) Ibidem c. 23. et 25. et Galen. de placit. Hippocr. ac Platon. libr. II.

aliter. Empedocles quidem cernere nos arbitrabatur imagine rei externae visu percipiendae ad oculos nostros translata: ipsam vero imaginem a radiis formari ex omni re visu percipienda oculos ingressis, ibique a vi quadam ignea, aërem, in quem ista effluvia ferrentur, simul transferentem, collectis atque dispositis 17). Quae, etiamsi theoriam visus cum iis coniunxerim, quibus rationem explicare studuit, qua rerum obiectarum imagines in speculis ad naturam expressae conspicerentur: tamen siue obscurum illud, quo Empedocles utebatur, scribendi genus, siue summam, qua Plutarchus illa Empedoclis placita retulit, breuitatem, siue denique foeda, quae adductis Plutarchi verbis vel ab imperita librariorum manu, vel temporis omnia consumentis iniuria inflicta sunt, vulnera accusem, adeo non ea, quam optauerim, perspicuitate Empedoclis opinionem exponunt, ut viri eruditiores acutioresque in auxilium vocandi sint, velint ingenii acumine nobis philosophi mentem recludere, medicinamque Plutarchi vulneribus feliciori manu adferre.

Olfactum cum Alcmaeone pendere a fragrantibus corporum odororum particulis existimabat, quae in aëre sparsae tunc, cum inspiramus, adducerentur. Inde apparere quoque causam, cur, respiratione ob fauces exasperatas difficiliore reddita, ut in destillationibus accidit, nares quoque ab odorum sensu simul percipiendo excluderentur 18).

His, quae Empedoclis studium, naturam animalium, inprimisque hominis, ut philosophum et physiologum decebat, perscrutandi, satis luculentis probare videntur specimenibus, addam denique ea, quae ille et primae respirationis causam, et omne omnino respirationis negotium expli-

E 3

catu-

17) Plutarch. l. c. IV. c. 13, 14. In priore capite pro vulg. κατὰ τινων ἀκτίνων εἰσροισιν legerim κ. τ. α. ἐκ- κροισιν. Qui enim in oculum reuerti debebant radii, si ex oculo ut antea

effluerint, necesse videtur.

18) Plutarch. l. l. c. 17. coll. cum Celso de med. IV. 2. 4. p. m. 173. si in fauces (humor destillauit) has exasperat etc.



caturus protulit. Scilicet putabat foetum, vtero adhuc inclusum, vita spirituque carere, ac tunc primum aërem haurire, cum humores, illum in vtero cingentes, qui os et vtramque cum ciborum, tum aëris in illud patentem viam replere ipsi videbantur, defluerint. Sic enim fieri vacuum locum, in quem aër externus irrueret, apertaque vasa repleret. Hoc quidem modo peragi primam inspirationem. Dum vero calor innatus suo ad exteriora impetu repelleret aërem haustum: hominem exspirare. Iam recipere se, et quasi fugere ad interiora corporis calorem innatum, sicque quodammodo inuitare contra nitentem aërem, ut iterum, e quo depulsus aufugerat, locum occuparet, pulmonibusque expansis inspirationem perficeret. Quo facto calorem innatum denuo e latebris prorumpere suis, aëremque aduenam propulsare. Atque ab hac alterna caloris innati fuga, renouatoque aduersus aërem irrumpentem impetu deriuandam esse alternam inspirationis expirationisque successiōnem. Ita quidem Plutarchus ¹⁹⁾ explicat Empedoclis de respirationis negotio mentem. Iam liceat eadem de re proferre, quae Aristoteles ²⁰⁾ adductis ipsis illius verbis Empedocli placuisse narrat. Is autem reprehenso prius Empedocle propterea, quod, cum de respiratione egerit, neque addiderit, quid potissimum vtilitatis illa corpori adferret animali, neque finierit, omnia animalia respirarent, an essent, quibus illud natura negauerit, totum respirationis negotium ex illius philosophi sententia ita adumbrat. Esse scilicet venas quasdam, sanguinem quidem, sed ita continentes, ut non totae repletae sint: iis patere in aërem externum vias, angustiores illas, quam ut particulae sanguinis ²¹⁾ transire possint, ampliores tamen, quam ut aëris particulis in corpus aditus sit

19) l. l. c. 22. coll. cum V. c. 15.

20) de respirat. c. 7. p. m. 722. ff.

21) Recte emendauisse videntur vi-
ri docti τῶν μὲν τῶν ΑΙΜΑΤΟΣ.

μορίων pro vulg. ΣΩΜΑΤΟΣ. Re-
spicit enim Aristoteles Empedoclis ver-
ba illa: ὥςδε ΦΟΝΟΝ μὲν καὶ θάεν,

fit praeclusus: sanguine, qui sursum deorsum moueretur, descendente; aërem illabi, sicque inspirationem fieri, ascendente vero, eïci eundem, sicque expirationem absolui. Quae quidem et Plutarchi et Aristorelis verba, quibus Empedoclis sententiam exprimere studuerunt, si quis cum illo fragmento Empedocleo contendere velit, ab Aristotele nobis seruato: is vel hoc exemplo cognoscet, quam lubricum sit de veterum placitis decernere, ex aliorum scriptorum, nec suis ipsorum libris hauriendis.

Iam vero, quae perscrutando humanam naturam cognoverat Empedocles, ea ad causas cum prosperae, tum aduersae valetudinis indagandas, indagatasque tollendas transtulit. In eo enim Alcmaeonis, contemplatione magis, quam actu artem salutarem iuuantis, reliquit exemplum, teste Satyro ²²⁾, Suida ²³⁾ aliisque. Neque tamen solis hisce testimoniis, aut forte magnificis illis promissis acquiescere debebimus, quibus Empedocles remedia omnibus pandere ad morborum impetus frangendos, senectutis molestias leuandas, mortuosque in vitam reuocandos efficacia pollicebatur ²⁴⁾. Exempla potius adferam, quibus medicinam factam ab Empedocle fuisse constabit. Quo quidem pertinet celebrata illa antiquitus femina ἀπνεῖς, quam mortuae speciem per triginta dies prae se ferentem, funeri eripuit Empedocles, atque in vitam reduxit. Dolendum sane, viam ac rationem a nullo, qui huius feminae, grauissimo animi deliquio sopitae, meminerit, additam fuisse, qua Empedocles vñs eam resuscitauerit. Quae enim et Empedocles ipse discipulo suo, Patisaniae, ad istam feminam spectantia, dictitauerat, et quae ex hoc fortasse libello in suum, *de morbis*, opus transcripserat Heraclides, ea nobis temporis iniuria interciderunt ²⁵⁾. — Neque

22) *Libr. VIII. §8. ff. p. m. 530.*

23) *voc. Πνευσίδης.*

24) *Diog. Laërt. l. c. 59.*

25) *Ibidem sect. 60. vnde sua haurit Suidas v. ἀπνεῖς.*

Neque vero minus illustri specimine comprobabat Empedocles, non vanam atque inutilem esse, quam sibi comparaue-
rat salutaris professionis cognitionem, tunc, cum causam
pestis, cuius furore magna hominum inter Selinuntios facta
erat strages, anquirebat, inuentamque felicissime tollebat.
Nimirum prope Selinuntem flumen decurrebat, quod foeto-
re pestifero omnem inficiebat viciniam, saporeque amaro
maximeque ingrato inprimis feminis noxium, partus redde-
bat difficiliores. Empedocles igitur bene perspicuens, foe-
torem illum aut ab aquarum paucitate, aut a fluminis tardita-
te pendere, vtriusque causae medebatur ita, vt duorum
aliofium fluuiorum cursum suis impensis illuc deduceret, sic-
que aucta aquae copia et celeritate cum pestem, ab æeris im-
puritate ortam, supprimeret, tum emendata saporis amari-
tie partus efficeret faciliores ²⁶). Neque vero hac via, pe-
stilentiae auxiliandi, semper et vbique, qui empiricorum mos
est, utebatur, sed mutatae causae remedia quoque opponebat
alia. Plinius ²⁷) enim Empedoclem et Hippocratem narrat,
ignibus quoque vim medicam esse gnaros, ignis suffitu pe-
stilentiam coërcuisse, solis obscuracione contractam.

Haec igitur omnia, quae Empedocli non vulgarem, pro
temporum ratione, salutaris professionis notitiam fuisse satis
luculenter probare videntur, fortasse hausta sunt ab iis, quos
laudauimus, scriptoribus e libro, quem *de medicina* versibus
sexcentis conscripsisse Empedoclem testatur Diogenes Laer-
tius ²⁸). Cuius quidem carminis nihil, nisi fragmenta quae-
dam ad nostra tempora peruenisse acerbissime dolebit, quo-
tus quisque magni istius viri ingenio pretium statuere nouit
suum. Haud enim scio, an iure in Empedoclem transferri
possit, quod Tib. Hemsterhusius, idoneus harum rerum ar-
biter,

²⁶) Diog. Laërt. I. c. sect. 70. p. 535.

²⁸) Libr. VIII. 77. p. 539. Suid. v.

²⁷) Cf. *histor. natur. libr. XXXVI.* Εμπεδοκλῆς.

et 27. p. 759.

bitur, de Polybio tulit iudicium, cuius tanta admiratione captus erat, ut, si fieri posset, vnum eius librum deperditum plaustris homiliarum S S. Patrum redimere vellet ²⁹⁾.

Sed haec haftenus. Reliqua, quae de Epicharmi, Democriti aliorumque philosophorum in artem medicam meritis scribi poterant, alio promam tempore, nisi sinistra de hoc specimine a viris eruditis, iisque idoneis iudicibus lata iudicia irritum fecerint consilium meum. Quam quidem iudiciorum seueritatem uti nolo virium imbecillarum commemoratione, aut argumenti difficultate accusata, aut humanitatis iudicium, qua tironem ferre soleant, laudibus lenire, (quae omnia quamuis vere quidem commemorari possent, tamen, cum nimis sint vulgaria, consuetudinis legi potius, quam veritatis sensui data esse viderentur:) ita omnibus gratum profiteor animum, qui me, ubi errantem inuenerint, in viam rectam beneuole reducent.

29) Vid. *elogium Tib. Hemsterhusii auctore Dav. Rubnkenio. p. 29.*

COROLLARIA.

I.

Recentia, orthographiam linguae germanicae emendandi, conamina et manca sunt, et inutilia.

II.

Amor popularium nostrorum erga literas elegantiores exterarum nationum, maxime erga Anglorum, et Francogallorum fabulas scenicas corrumpit, et vero euertit indolem nationis nostrae ac genium.

III.

Seculi nostri mollieties maximam partem tribuenda est regimini, potuique nimis calido.

IV.

Scriptorum graecorum et latinorum conuersio in linguam germanicam idonea confici nequit, eaque praeterea variis modis noxia.

V.

Antiquatio medicamentorum specificorum et universalium, et circulatorum custodia, seu exilium, veram posteris nostris largientur salutem.

VI.

Tunc demum recte prospicietur sanitati publicae, quando ubique et perspicue intelligetur, maximam hominum copiam etiam summam efficere reipublicae salutem.

VII.

Qui gymnastica corporis exercitia v. c. natationes, lotionesque in fluminibus instituendas, etc. damnat, is aut ignorat machinae nostrae indolem, aut male cupit generi humano.
